

四庫全書

集部

欽定四庫全書

集部

明文海卷一

詳校官編修臣錢懋

主事銜臣徐以坤覆勘

總校官庶吉士臣倉聖脉

校對官中書臣石鴻勳

謄錄貢生臣王永鎮

欽定四庫全書

集部八

明文海

總集類

提要

臣等謹案明文海四百八十二卷

國朝黃宗羲編宗羲有易學象數論已著錄宗
羲於康熙乙卯以前嘗選明文案二百卷既
復得崑山徐氏所藏明人文集因更輯成是
編分體二十有八每體之中又各為子目賦

之目至十有六書之目至二十有七序之目
至五記之目至十有七傳之目至二十墓文
之目至十有三分類殊為繁碎又頗錯互不
倫如議已別立一門而奏疏內復出此體既
立諸體文一門而却巧瘞筆放雀諸篇復別
為一類而止目為文尤為無謂他若書序傳
記諸門或析學校書院為二或叙文苑於儒
林之上或列論文論詩於講學議禮議樂論

史之前編次糅雜頗為後人所譏考閻若璩
潛邱劄記辨此書體例為必非黃先生所編
乃其子主一所為若璩常遊宗羲之門其說
當為可據蓋晚年未定之本也明代文章自
何李盛行天下相率為沿襲剽竊之學逮嘉
隆以後其弊益甚宗羲之意在於掃除摹擬
空所倚傍以情至為宗又欲使一代典章人
物俱藉以考見大凡故雖遊戲小說家言亦

為蕪收並採不免失之泛濫然其蒐羅極富
所閱明人集幾至二千餘家如桑悅南都北
都二賦朱彛尊著日下舊聞時搜討未見而
宗羲得之以冠茲選其他散失零落賴此以
傳者尚復不少亦可謂一代文章之淵藪考
明人著作者當必以是編為極備矣其書卷
帙繁重傳鈔者希此本猶其原藁四百八十
一及八十二卷內文十二篇有錄無書無可

核補今亦並仍之云乾隆四十四年二月恭

校上

總纂官臣紀昀臣陸錫熊臣孫士毅

總校官臣陸費墀

二二二二二二二二

二二二

欽定四庫全書

明文海卷一

餘姚黃宗義編

賦一

國事一

南都賦 桑悅

南都有博古先生同州邑秀先遊於北都乃觀氣象之

恢亢

恢亢大貌楚辭收恢台之孟夏

民物之道壅

徒和切多也

神莽莽兮外

淫意惶惶兮儷

音我病也

獨先生讓極凌碎

矜才貌見于荀子

浪

驚旋拖

不以為意也
見文中子

北都有知今子者其足如雲其辨

如波揖先生而扣馬天下一家四海一都而子眺焉若

蔑若眇匪結

音

匪躬

音

那豈離渤澥別直渾汗豈遠太華

別覩嵯峨何其齒迎齒而不渙心戴心而自詫

音佗
欺也

先

生曰蔑蘭衷者赫微馨眇絲裏者景纖髻

音

彭僕嘗熟班

孟堅之兩都張子平之二京丹淵臯臯

音罪
深貌

收長安之

市中扃膠膠

音佞
大貌

禁洛陽之城寧不視此而消零知今

子遂然而笑曰味子之言班腎

於井
切

硃砂痕殷翡翠易

牙之味子聞而飽儀狄之酒子慕而醉耶先生曰是誠不然僕自麤髦作適金陵偉哉若方王業攸興計南惟棟計北惟楹豈彼衍宛而子彰旬吾將語子以南都之故事以開子之聾盲焉知今子曰願卒鴻麗以拓酣寘先生曰唯唯明之南都宿分於斗畿域於揚斗則日月之所_{邱伽切}佞_切 杳五星之所乘營是謂天維揚則拓土畫疆卓犖兼并是謂地網論大形勢桐柏之源東馳殷洎揖濁灑而招沂泗者於此乎會岷山之支東累綿行出

庾嶺而包彭蠡者於此乎盡誠江海之都會也山林之
總轄也而況口以三吳足以荆蜀八閩二廣可伸可縮
堪輿之精盡於是矣論細藩屏則天設雄塹表以鍾山

楊以長江山則掩譎崔聳艷千定切歎音觸峻翔表块礪音倫

益尖台鬼亢截喋墳兀追飛廉盪漾兮黨黨晦兮璋璋

音章氣雲薄兮擬封秀囊職隆切挹兮可擱江則膠戾蚩音英

毅砮湧便汪丕虜音稍瀕溢活音恬混澶決逢櫻溶瀆泮洞

漉莫見切流音荒渙兮格格允兮統統音康喜云云兮穆協怒

趨趨兮讎闈

音堂

均山惟揄丕江迺桑如韓孟之齊騁類

楚漢之相當挾以石頭秦望之蔓麗帶以後湖玄武之

汪洋嶺一頡兮千熊羅浪一頡兮幾城隍欲織摹其詭

異洵一挂而萬亡其洞則有華陽玉柱良常羅姑岩女

天窗夫子鄴都各有真府神切天砮

音奴

門隄隄

音楚

兮混

沌未鑿室閏閏音周兮氣化馴剗丹崖甲乎連攏翠壁貫

乎稜觚或有三茅之葦拉八仙之徒駕野馬之駕提沆

澗之壺散以青埃核以火榼

音壺

窮年縱浪竟夕歡娛三

霜半局千日一鋪推霽明之真境合仙跡之盤飈音姑其

泉則有白乳一人玉兔喜客婁地賴之于于垂天紳之

默默斂川后之津液蓄山霧之骨脉雨似嘲而囁囁風

或譽而嘖嘖潤止關方名關蠻貊其池則有覆盃石墨

天淵蓮花昔人留兮指爪朽名潤兮無涯又有隄名太

平堰名余家瀨名投金泓名丹砂義溝破岡瀆深澤沛

長命新林芳洲名葩九曲霹靂溝何澗粲芳草躍馬澗

何清華於是材以擲音那榮竹柏枇攄胡慣切檉棊梳俱彼切

松檜音當掠檯榷据擢平仲古度無疵文杼莫不抱道紛

溶糝

音森

棊較庭肅袂

音天

偃拮魁剋

音會

剡弮綿杓

音尋

暖杖

音差飛柯鬪莖風度曲而雨亂

亂者

樂之

卒章言風

度木似曲雨至而止

月稿

神而日呈

神即傳神之神

門有拔

關

上薄青冥天低獨擊雲墜

孤撐未迴萬牛之力陰具五鳳之形

言作五鳳樓之材也

華以幽

蘭崇蕙徑菊江籬牡丹玉蘭香齒

華筆切

辛夷忘憂棊

呼歷

切弗含笑媚安

音雌

絕品節蒲上瑞莖芝氣徒曄以交獵

采葉蒨以紛披零的昌於騷經布濩榮於毛詩實以朱

橘赤柿娉粟含桃枇杷林檎楊梅蒲萄匹火齊之丹若

鄰鍾乳之紅消特可包乎公甌具可養乎私饗水陸之

饒萬育音惰音涎音其鳥則有鸛鶴鷺鷓鳧鵲舒鴿鳩鴉

鵠鷓鴣鸚鵡鵲剖葦竊脂隼醜蒼鷓雜縣音懸避風而爰

集鴻雁隨陽以迅征暴道體之潑潑假天和而嚶嚶其

獸則有鹿麋麀麋音麋音從獾熊驢豺麝羝音狒犢兔音狢音

羆音猓音當音裸音馮音馮音虎獺音獺音隱音霧音之豹拜月之狐

叢生翳伏狀異形殊伯益不能紀周公難悉驅其魚則

有鯀鯉鱣鮪

鯀音師

鯉音離

鱣音警

鮪音婁

鯀音公

登切

鱣

呼音

鮪

鮪音

鮪

鮪音

鮪

鮪音

鮪

鮪

他成切

鱣

鮪

鮪

鮪

鮪

鮪

鮪

鮪

慈切

鯀

捐音

鯀

莫音

莫

不

風

鱣

浪

鬣

金鱗玉睛出罟欲飛宜膾宜烹別有龍淵湧湧窟穴圍

圍浮沉乎王鮪隱耀乎長鯨能吞巨舟可方曲陵匪漏

籍於齊諧則繫名於海經又其田疇則黍稷咸宜桑柘

斯植水耕火耘風經雨織一犁鬣兼力兼切兮斛粟半筐

縹縹兮尺帛真中華之心而四方之極者也遂古之時

萬有未聚帝省山川可為皇據惟古帝王或命以陶或

命於牧惟豐惟鎬文武是屋儲茲地髓以俟天牧周轍

既西王氣微暴悵地勢之艷艷音莽兮風氣颯颯音母而

未開固瞢瞢音宴以慘慄兮挈劫劫音媿而慨恹恹音費岑岑

以闌挈烏貫切兮若草變而木衰匪靈伸之轟轟兮安淵

蟄之匪纒自固瞢瞢以下形容上古之時金陵氣象未開之狀以為天遣吳晉等國為當時漸次開闢之地文有起伏意思絕妙今古於是役吳載柝命晉其耘宋齊為菴

梁陳為斤其建金華赤烏玉燭重雲太極清暑之儂麗

結綺永安之青蘋地昆切孰非先掃我金門之路清吾玉

殿之塵也哉

如此言則吳晉等國建都雖在開國之先而非先矣詩云禹敷下土方外大國是疆

幅員既長有城方將帝立子生商與此意同

逮元脫紐宇宙沸靛

如羊切

閃茲

地也鬱鬱葱蔥暉暉煌煌增渥補泊銜紫浮緗虹經楨

秦辭切

彩雲緯成章航

航音

兮若燭龍之燄谷

宏音

兮類若木

之光盪踞虎而將躡暈盤龍而欲翔

龍盤虎踞金陵山川氣象暈盪從王

氣上說來

其在山也空

音

谷就實危峰增鉅擘乎若巢金之

欲彰其在水也漫汎氤氳逐汎

音

煒揚灑乎若頽波之

弄西陽

自鬱鬱葱蔥至此形容容興王氣象極工

裨窳瞻望而躑躅景純睥

睨而周章非名都之將建而先發其祥耶時已天眷仁
祖爰及陳后夢歌藥食覺聞蘭臭聖祖降天匪先匪後
想遏亂畧躬揮天軸音遐望其颺馳尼幸其雲覆翔翔
太平宿徵斯造江東攸歸兩浙既庭爰承天意茲焉作
京迺殪友諒迺縛士誠迺走擴廓迺降明昇龜蛇指乎
迷周顛相乎成雖真宰之駐意抑非茲都之運靈也哉
四方既平根本攸寧迺瞻崑陔百度惟營庸遵九重之
規步九筵之跡太行空蜀山兀艫沉筏結異材山積於

是伯尚呈能王爾獻績肇以承天之巢允粹以敬身之

棧斥迤以華蓋之厓制畫以文華之番溢武英斜峙白

虎旁翼其為狀也莫不獵韞寔音精昂標霍炤焱剡兮桃

桃音搖麗莫江切兮齟齟音益宋庶磬宏而孔毅高桴硜硜而

委迪危甍瑋音新潭而鼓鬣曲開音弁天矯而軒翼枝掌音孟

切承宇綺疏垂闕表以翬祝賁以蜃壁有負柱之金龍

火精閃而爍赭乘栢雲之抄宗滑切逐音逐爪拳居六切墳而

上攬觀螺蓋之白黑倏退藏而躅躑飾以桁梧萬層盤

絢繡

音律

圍

音繹

雕縷育藻以髹

音休

漆俶視昭指歷歷

閃眖分眖色交色輝奔彩赴丹幘綠易

形容彩色奪目之狀極其精工

雖離朱之斜視猶恍惚而箝腸

音釋

左順揖乎右順左掖

拱乎右掖承天垠垠春和翼翼諸監六科之郁麗尚寶

光祿之盭趺

音北

億萬門堂拱闕惟敕索巧本於無無庸

乾坤以為式蓋憲衆山之朝王屋列宿之拱北極也至

若文武雙樓峙天西東表層俯雲輪廓翳空購解飛而

莫緣兮藉凌級以相通

漢書王莽購解飛人窺白奴凌級樓梯也

繚朱闌

而升降兮辟撤

於類切

揜乎雄虹彼黃鵠翩翩其高舉兮

覩園方之會同觸縹緲之采恩兮仍斂翼而還風惟趨

趨

竹萌切

之點雀兮飛息參而馴蒿還處所不訐

洪惕兮

遂委巢於攢叢鞠翹翹之黃口兮終身瞽乎四通俯確

錯為旁礪兮仰崎嶇為蒼穹匪壯麗之若斯安匹休乎

薇宮長無塔塔

音拳

短序真真

音數

敦以密石

蔡邕獨斷天子所居加密

石切以珺玖鎔朱提之錄以節鎖鍛化孟之鏐而鏘鋪

萬戶無名造化為徒色暴於有聲藏於無我吐微音彼

應長吁

四句觀理之至立言之精

足趨魂悸吾亦喪吾諒妙理之所

存非華說之足摹東立太廟宮宮奕奕楛岬殿乎重屋

藥蹠延兮夾室宰有亭而蔭牲焚有穴而置帛永言孝

思孝思維則不得不斷其桷而降其闕也眈眈六宮行

息聖躬表以乾清之盧盪偶以坤寧之傑蒙環居成市

委巷成衙深壺溺溺連移彤彤蕃椒辣辣

即達切

夜合苑

苑方其胎營集刻飛鳶之手

公輸子刻木作飛鳶三日飛不止見王充論衡

名

膠遊魚之工

穆王時巧匠膠魚能遊見列子

殫心思於其中排亮窅以

開闔縷網智之玲瓏裝以衆彩蒙以輕容也紗音縝音雲兮若

細颺之噴巨波漾連漪之瀾雖拂波賦以漱字妙切刪露

水簇之鏤奴孔切穠渟兮若山澗之雜茁深清泉而上蒙

雖剽視之的的欲採擷而無從作游千間奎麗鎡相何切

台繪百卉之菁俞兮儼憲英之櫟妄神貫英而藉越兮

化真芬之批揆音葵雄風衍衍以碣駭兮舉第烈而薰懽

憬東皇之旋駕兮姿冉冉而焜衰踏雙成與仙姑兮面

金精而斫綏自繪百卉以下形容畫者通神故所畫之花遇風亦生香春去亦如漸衰因踏仙人

故至秋亦不落也
妙甚真妙鬼神者

彼翠禽之自戕兮聚彥鑿以文阨委

順膠而騰變兮幻林麓之垣崔顯真相於木杪兮仍翠

翎之毳毳娛無隄之妙觀兮忽不自知其徘徊富有會

極則有大內千間嶽嶽詭迤

音列

鸞藝媚垂鳳首宛腕

音藤

隋珠如月趙璧如雪桃核之洪魁鵬羽之脩撒山車之

剽竒昭華之英契其他方貢域獻萬寶充藻滿花迴迴

矜角桀桀方諸夜涼朝霞春熱阿魏之腥金顏之秘

音別

雖夥蘊紛藏無識無別然察其性質之陰陽贅房而攢

揆音藥則又若陰配合而默調變者也合祀天地廼建瑤

宮嶽大祀之朴

子了切

臠

先到切

兮庇瑤瓦之青葱輸頡鍤

而游氛遞兮上混匪

非音

乎浮容地游升階其洪質兮天

氣降郵其危巖異崇高壇之梧梧兮祈光峙流而合縱山

川社稷帝王功臣茹膚功而荅稱兮揭壇宇之纒

所宜切

岫舉幽遐而遍溫兮冀孚召乎輒啟

音辰舜為天子民皆輒輒啟啟見于

呂氏春秋閑以崇墉百里覃以通門六五偉正陽與聚寶尤

碧潭而睭

音質

眇

音窳

欲昂脰而瞻際覺清臚之譁誦武

破蟄而起霍自榮神之栗股車峇峇以潔濕馬雪雪

音狎

以黎楚或槁

音隔

相擊

古的切

蹄相互求疾而滯旋往無所

於是然

音然

闕曉嗑

音盍

蹠咽旁午不啻萬艘麗闡而踉蹌

六師奔敵而喪伍必踰時而後詹撫焉久喁噉於沓囿

徐戛戛以脫罟

音武

泮真其行道大通而透透者何可勝

數又可喻造物者之不齊而莫能必漆途之夷阻也

自喁

險以下就

殼率中別出一種道理是謂忙中取靜斷輪之意人所難學

部院寺司雲填星

稠公卿惟旌郎吏惟荐爾檝我桴屐職孔脩敦以京兆

驕民是牧我精雕桐

李子長雕梧桐以服囚見王充論衡

彼畏刻木置葦

杖以塵封曠園扉而草綠主以太學英髦斯育言采其

芹于彼泮瀑瑩如席珍者濟濟湛若飭黎者焜焜悉小

杏園之樂而踵槐氏之躅蓋將撥流洑之風而反敦龐

之俗也罔脩罔攘軍容泱泱神策豹韜興武龍驤應天

留守橫海和洋衛所如林五府提綱億萬赴赴斟隸為

鄉舅甥兄弟縉

古犬切

結同置吮呱含髹

音髹而

之色奕

攸卷

音春邪

觚之剛喜則缺缺怒則礪礪聚兮摯摯動

兮彭彭奮歟斷而涵閔鼓龍胡而踞囂

五臯切

其將大閱

也聞發响

休具切

之綿匝

發响閱軍鼓見周禮注引司馬法

齊鬣

作結切

鬣

音過而峭

格縱

楚江切

以行伍游

音翰

以壘壁綏迴迴其驟

力隄切

瞰

兮刻殷殷其轍

魚竭切

輾混枚枚其攢詰

知列切

兮座

皇其劓劃衆闕既尼泐

力見切

然而洩總戎司馬指揮邊

迪策鐳丞丞其鴻葛兮旌旄肅肅其掄勃斯時夏說專

諸之流方援龍泉以揮霍剡雞鳴以擎

音逮

暹盤旋倩倩

低昂曼曼援刺雲而劓劓臘奏空而駉駉

大麥切

心霸霸

以橫鶩兮神淫淫於邊場九貉八蠻孔淑不逆負畫石

之陰謀兮蓄鬪神之餘力仰蒼昊而悲咤兮化蛟蒙之

紛塞

音塞

百步之外樹以正的烏號下嚼

子召切

忘歸承的

搖撓賦豐鴻之節鉞

地頂切

坑

音坑

斟翔趨之則蕭臂參停

沓寓惟直巧能中蝨力能貫石百中焉獲獲呼嘖嘖環

以偏頸圍以絳額紆隆隆殺抑抑峙兀兀流奕奕重矛

如式三屬如滌既蛇勢之裊裊兮復魚貫之繹繹正綿

綿而不亂兮竒廉廉而罔測轟巨砲而散列兮氣方突

而末刼

音劇

對勇間間徒手搏伎

古柏切

撥局齊豎提喬

休筆

切復逆僉思奪終童之纓遺孔明之惆悵百年之偃息

而老死于軍籍又可見我朝治平之綿遐而千古莫敵

也大江之中爰集水戰黃龍青雀萬艘蔓廷

音硯

化波為

原平集組練闡衛如墉朱牌上碾止類攢蜂行超飛燕

佩橫磨之陸離兮摘神機之燭炫馬銜御濤而舛徙兮

竒相駕波而揚絢折兀木金山猶枝揮曹瞞赤壁若扇

實江南之長技眇四海之激漩別設錦衣以伺姦饕漩

以撫軍天憲橫操官配祝融薰岳燁濤旗校如雲滑粟

僑勦音巢取醒龍之珠拔過雁之毛疑蒼為罝兮意旌為

翩音陶聆浙漑而掩雨兮聽颺颺而補濤形容錦衣旗校緝事精神態度

如畫淑良翼其奎桓兮壬憲曠其翔翺清九陌之游塵覺

六街之肅嶮音均守備之廠中官是府朔望會評冠蓋如

堵水陸產鮮饗之皇祖獻之聖母則命代以行自刪其

楷音苦畫船如櫛爛燐江滸錦纜牙檣銀笳銅鼓鈴之揚

兮中流水增波兮雲橫闕嶷嶷兮纖風棹忽艤兮南浦

鑿乾滻兮鑣楚馳洶沄兮代烽火雖抵地也音唾兮猶原

瑛而化琬惟簿正之當然非尤物之為蠱抽億指以役

役亦不知水煙之稀乃音古至若竇王之家金許之族連

姻天室密邇輦轂則有朱戶音呼交切頑外碌音愈行鹿日

食萬錢之俸月饗千鍾之祿墻壁衣文繡犬馬厭梁肉

節卞收其神劍張毅趨其懸箔梁鴛職其禽鳥郭駝理

其花木咸鐘鳴而鼎食蔭渠渠之夏屋壁鋪味音莫轄切

其彪粲兮地衣緘緘其繁緝履綦良良音良其盤辟兮桂

霏油油其芬馥公子王孫戴瑟頂之帽衣浪紋之服牽
黃臂蒼言駕騏驎挾彈從禽勅勅睅睅遵四望兮徘徊
欸牛首以予于浩氣沚乎朱虛英風偃乎段叔內有信
陵之儔田文之屬傾身下士肝膽相續曳裾彈劍撫袂
而至者蚤蚤顛顛音促滿浮白兮賓寘落眼光兮自燭餞
飛英兮度新曲送春歸兮水阨音角振零零音落兮停雲鼓
繁絃兮相逐主母大忌賓忘小頊蓋指長蕩以儲慶揖
瓜埠而壘福畀衆無窮樂已不足而不知悉祖宗逐群

雄之血刃集四方之膏鏃也墉之內外樓居如雲亂榮

劉

初咸切

義長攔眾眾

音瓊

數里齧

音鈞

印霖

音森

以陰

行兮遠不見其眾

音呼

詭

莽翳去其浥沛兮羲和失其

赫赧

音霞

卷千衝百靡砌容礮

音遐

捆絲之工捲焉如麻法

五方以翟色代東皇而賦花耀光飀飀

且禮切

兮掩雪

耀光

綾名見晉書

玉錦爛爛兮鑣霞

玉錦錦之細者見周禮

洒削追針之戶

販脂礪寶之家各閃屍以遁術聯鳴雞而昏鴉以至斗

門淮清之橋三山大中之街烏保白圭之儔駢背項兮

交加日中貿易闕閼咤咤雲間之布雅安之茶吳會玉
柵之燈勾漏石林之砂翠聚瓊臺之館麴連淮陰之車
萬貨各離其鄉土何聚會之紛拏反兮如潮之汗漫覆
兮類沙之榮查來無趾兮得得散無聲兮多莊加切雖
殊途其貨殖而一致於金鎡音方外之所寺觀音秦朝
天洞神報恩天界臺榭蛻兮其音蒼龍簷宇音耀乎其音滂汰
音太神摹森羅之音蒐翔意影音玳率之音偉怪象玉清之音尊威
羅神兵之音昧愛思凝凝兮札涪招葛洪於天外生金佛

之泮與鄒羅刹以承蓋座繞繞兮圓光俟寶融之聆戒

占好山兮隆舟通幽徑兮昌憲音代悵洞簫之捐織鄙相

國之保隘振以鐘鼓之龍沓清以磬鈴之浙灑福無明

咎禍無顯害故能傾婁音榮媿之渥尊而來翫骯之瞻拜

也龍江之闕積薪如山錯岩嶽之嶠岵丘利切兮束危岷

之蟠茂木土類兮寄育秀翠幄之拚拚音翻覺崕穴兮平

攤疑夔魑兮悞揮音壇龍潭諸倉峙粟如海幻驚濤之騰

謫下暗浪之匪迨肆晃晃以永歸冰一凝兮數載閃蕪

浥兮嶺榻類尾閭之所在大比之秋覩直隸之選豪聚

總總而靡靡

音迷

插羽翼於纖辭儼層漢而橫翹

音時

叱吉

鄰與黃文

吉隣黃文月中仙見萬花錦綉谷

儲紅蕊之離此孰規規於

殿葉兢綉綉

音位

於高枝爭徒手以白戰希點頭于朱衣

剋

力牛切

經書之暗闕彼意髻而吾髭同兮相是異兮相

唾或導源赤水或爭雄黃池逮奮鵬程之路聽鹿鳴之

詩又或夙昔之熟蒸而睥睨直沉而淹夫者焉於是乎

有貝錦之加竹筒之吹

韓文公詩熟如竹筒吹

雖冥昏以摩索實

神明之攸司增明堂之柱石礪後學之鋒錐萬石之長

歲聽宣諭常蘇裕子於焉樓

音閻

音著

梯韓媽兮齊駕拉

渠公兮並驅揮夜光兮為炷購委蘆兮為絮條物價之

翔高空群行之萃聚其各方遊行則有悲歌慷慨之士

升高能賦之賢棄裘馬以易醉輕十萬之腰纏攜以鐔

川鳳味之硯囊以建安兔毫之牋洗華林之莽莽兮刷

烏衣之冕冕

音淵

於是奎來賓躋醉仙止梅妍宿輕烟

來賓

醉仙梅妍輕煙皆南京酒樓名

脂臙

許云切

曉

呼堯切

兮繹華筵售情漿兮

黃金歌南呂兮雲韶譏舞料峭兮雪嫫媿音顛精隨聲兮

往滇滇音田思隨態兮逝淵淵恍難像兮忽難傳浮瀼瀼

兮栖無邊化媚霞兮暈青天悵百歲兮幾牂湯見東阮

兮屢田又有踵弘景之武步劉計之躅恥干秦以飯牛

笑要湯兮烹鵠收疏糲丁可切兮三苗散濡缺倚兩切兮九

曲服春蘭兮飯秋菊皎白駒兮空谷孤吟絕兮誰續聞

馮于兮修竹所謂伊人溫其如玉溯流從之言采其蕡

其能陰掩騷擘之門杜夔澆之俗又足以勝千百懸群

衆者之碌碌也

荀子云功名未顯則羣衆不懸

明道南軒過化存神又

有聆咳覓浙之儒真浸淫風月之趣控搏柳花之春麗

道德為黼黻尊仁義為膏唇土苴罕形乎訓詁糠粃庸

鑄乎魁倫匪赫烜之若斯安割

丁盍切

灌乎青燐其或教

音低叔橋教

無慕切

竒崛峩峩抹橫渠之中垂涑水之紳芽

遭跽兮殷殷粒值餐兮斷斷繪九苞以名鳳假一角而號

麟與其矯情於層崖莫若任意於平津蓋京師人物之

都府似不能無聿悠而脆結

思列切

錯擷而參忤也夫以

王畿之內艷馬千里經旬周乎外郭悉黔黎之所止聚
舟以南覆寶以北其中廣衍王氣所塞乘靈氣以鳩作
悉無求而不獲上江來薪兮陳陳下江繼粟兮減減奠
枕於中湓馬而食富有兼資貧不至貸故其民習於親
上俗矯於好德豈若洛陽之桑梗關中之刪頌也哉論
者謂偏據之地易於分王想窺中原有限其望蓋以萬
邦之方下民之王而視為三國之寓境六朝之寄鄉是
猶神淵浮蟪即以為蟪淵而不知蛟龍之所藏靈囿集

胥即以為胥圉而不知鸞皇之所翔豈不繆歟且聖祖
定鼎於茲天下十二初得三四於馬寧齊魯定汴洛幽
燕妥收晉異奄廓灤河之所經營遼海之所開拓阨音底
兮若朽木之易摧迭乎若焦薪之易爨果地之不利也
耶太宗入繼大統盛德守成憤徼外之覬覦建行營於
北平假天威以彈壓省防秋之萬兵命嗣皇以監國將
翠華之旋竄曷鄭重而不返慨鼎湖之龍升列聖慮遷
以勞民遂逸睇乎天宏是非此不足以宅壯麗而容衆

庶也吾輩沾濡祖宗之恩逍遙根本之域安百年之社
席目不睹乎鋒鋌特以規模之侈大氣象之深迤故閉
門足以守諸夏開闢足以闡遐烈挈入都之領袖而有
此夷逸也由是觀之南都之建尚何百二之所能敵哉
如子不以為然願聞雄辯僕將執白馬之勒焉

北都賦

桑悅

知今子嘆曰先生真覆中人耶生長於南得其骨髓莽
遊於北未能糠粃即渥彼泊此是知有驢而不知有目

者也知有輪而不知有耳者也且元之季天下添奴大切

淵偽漢歸墟偽吳西盈明昇擴廓之徒亦盜息壤而湮

騰我聖祖悉淳泓之既鞠瘁攸方因息搏金陵當是之

時威德黼黼音楚跋殪獠懲雖湊決斯都亦百匝巉嶭思

業齊於圜燾燕聖嗣於北平意將默啟此焉作京也先

生苟眩理焉僕將北都之事以破之聞北之為都宿屬

於箕地名幽州神堯之聖域召公之賢丘地形累崇蹠

蹠音音捩捩音音齊魯為柶音音綴趙遼作旒東阮音音迤音音迫音音

音音

音音

音音

音音

而左達

山律切

太行隴

於鬼切

危

牛罪切

而右盾

音由

沸澗無涯

峻峭莫儔眇轍長江之蠡卒

音齒

芥鐘山之樓前奎溇沱

易河後判

匹迷切

龍門孤嶺河濟碣石衛國之城隍居庸

鴨綠障遠之藩屏其西香金甕覺仰鐵綿玉泉盧師平

坡棋盤則貸空附形峽薛

五結切

堞攢其大通盧溝黃花

濕餘高梁固安龍泉琉璃則穴地纏軀批偏盤紆峙悉

延延沅咸漠漠成險生潤作固於尼爾乃郊原墳盧掌

掌批批

此禮切

接天王氣隨地彭灑曷決無窮敦舞

音武靡

麗馳突固銜容光必峙又或靡板層胡良為坑羅控垆

磨臺為卮

起音

約真其歸聚英帝里天合其所人凝其績

築城伊域作都伊匹揆之以日其繩則直空材九有付

之偃翟規乾準坤以究安宅堯之成陽似保秦之阿房

太嬾

呼麥切

角樓畧摩乎漢規梧殿少武乎唐式五門環

環千廬扼扼

音

雙華嫫嫫

音

丹闕額額峙以文武列以

順掖東連宗廟西靠社稷武英穎

力篤切

謫而樂駢大善

臬窈而彪焉文華坂

扶厥切

瑞

都果切

而枚塙

口文切

文淵實

顛

五高切

而隆頓南薰仁智前經後緯思善翼善左輔右

弼奉天前迤斷斷特特若圓倪之無極華蓋中蒞鏘鏘

磬磬

音容

若春盎之可即謹身後擁環環赫赫若混沌之

未畫悉眇

忘拜切

其柄悉扛其楹刻柱乳楯巨纖勅

居僅切

墀

居石切

構

步碧切

攄禁楠

補汚切

疎戚懃迸

彼耕切

陽栖其正

陰止其冥懸魚悝

古寃切

凜而下垂拒鵲媮

式均切

暉

丁安切

而上騰彼摺摺

呼骨切

之雄梁夥崇墪

除立切

而獨承山林

之日既長廟廊之任孔宏群材膺職渠渠迺成會同萬

象總暴單名

曰捐曰柱之屬其名不一及殿既成捐柱之名盡隱總名曰殿而已如舜五人分治

天下事五人之功成則曰舜之功也以殿比君梁比宰輔其餘捐柱比衆職意思深長非苟作者

覆以

琉璃陸曄含霜

音止

耀靈接而美碧夜光交而成紫

合色極工

東西之序南北之偏城

蒼則切

匡教劣

音力

砌以花鋪輦路

糾繚閣道迴旋高以純升莫喻其然栗彤庭之言言薊

慈損切

雙柱以擎天色侔截肪

音方

文以蜿蜒嚮

乙學切

鱗甲

之顛顛

音論

疑凝佇乎神淵

无峻切

銳頂而夷堂恒蒼萋

之糾纏游衍之區爰營西苑泓以太液之敷敷

音炭

峙以

瓊華之死死

音苑

池則汪洋漫行漾

羊小切

潢漂沱沄沄淨

練瀉瀉輕羅有約其駮

它外切

港乎相磨礪以江薜芙蓉

點以芳藻綠荷含英吐華翮秘薰波島則巉巖磊砢弗

鬱危縹太湖輸精武康貢英竒寫宗師之文怪摹辟邪

之形薄平泉而不即眇良嶽而弗登者悉茲攢覘數仞

迺成點以頻娑玉桃之葦葦綴以綿梨蜜杏之庭庭迺

築崇基殿以廣寒刺以複閣跂

音彭

以雕欄古栢十圍矮

松百盤俯雙橋之千柱仰萬歲之層巒誠禁中之蓬島

豈靈園之敢般唾秦皇之遭紹笑漢武之受姍于先切索

神居於海外類求唐而揭竿莊子云揭竿下海而求唐子南墉之中

亭館綿延迷以綺甃復以粉骨除鋪太階療綴明嬾音前

擁以比目之扇鋪以半肩之羶培以長命之草栽以並

頭之蓮珠玕之樹莽莽純縞之禽翩翩東南其戶寒暑

攸偏涼登洗髓之域和躋浴沂之天居止法乎天帝奚

必創乎神仙欽安而後凋直流切以日精月華之煌煌晃

以景福隆宗之澒澒音映乾清淖都角切兮其鴻葛坤寧稹

紆云切

乎其劓清六宮卷卷

丘負切

七所曼曼蠶室同繅絲

之源胎德異永巷之塏

丁鄭切

爰有仁壽聖母所靖下楚

甫之盈盈上鈎鈐之顛顛

音靜菴蒲瑞草王者孝則女生鈎鈐星名王者孝則明

妃雍雍粟以宮正第稠嚴敕帷箔肅敬爰遵內範匪姿

以賍

他孟切

絲類必輯零帛必紆

音柄

爰洽彤史之化爰繼

闕睢之咏遵商周之家法宣漢唐之敢並奉先衝雲火

烹累霄北海通乎御溝王山邇乎厚載王府十灑金水

之濱青宮一伉羅城之外無殿宇之甚庭明本支之共

蒞司禮諸監二十有四惟披惟衆爰理厥事膺恩眷以
精忠保富貴以勤勤天財承運世資物斥循和鈞之規
刊不會之失夜光爍空而不離乎櫝辟寒委地而不出
乎闕鄭材諸垧神龍各廐蕩去故切山積繁息官畜脫
駮音遘音靺音溜溜喜奕悠而輻音麟怒踞馳而決驟散
若旌旗合如錦繡尾拖鬼方之雲鬣帶北極之颯軒以
藥鍼御以泰豆代駮象輿探前烏穴切後者谷量野散
隸首莫究鄙衛以騾牝三千成咏眇唐以四十萬匹為

富惟南有囿釗釗媞媞臺名呼鷹歸則雲齊規以摺垣

衛以危控

車分切

佳實累叔

音

灌木垂楨幻靈芝之茁茁

茁紫脫之萋萋蚊息輒動鷲擊獮耜

音

或並命而比翼

或兩額而三蹄致

音

獮領乎師師

許出切

狻

許月切

鎮乎

儀儀悉入營表接闕連矣

音

以至大月一峯之駝黃支

獨角之犀昆明吐金之鳥三佛吞火之鷄天山識樂之

帝江哈烈弄毬之狻猊亦安薛公之鞠養受毛丘之羈

縻環以靈沼畫以崇谿水禽淵魚隨方躍栖悉涵負乎

恩澤動濡爛而敷祈澄波潄潄

詞林切

流澌涇涇牽牛織

女涵影東西青天鋪底籠以玻璃七夕之鵲高低暝迷

滕音訴層漢而翻下駕雄梁而接隄疑仙駕之拂掠覺項

翼之酸誓音聲菲蒜芋茄瓜荀芥萋音綏湛露厭浥絡圃連

畦纖髻儷金香音疑燮無願切成泥苑監是職衡牧分司覆

紅巾以進錄伴玉食而生輝潞濟群河爰通漕運節宣

齊魯之流罔京堂而不浚武夫役民彌搏勗勗香秔辭

越而遐征白粲別吳而時進銀灣克抵衛縣斯親子遊切

危檣連連轟如鼓鞀音杏麗新閭則保載飛車則迅周章

聽瑩同儕相咲音僻倘挺途猶珠入太倉若糞一方之貢

可充四國之饗飧一歲之儲可援十載之飢饉寶玄福

順連延官肆商賈如雲駢楅連肆孰為渠公孰為丙氏

南巴之竹扇東廣之藤笥蘄州抵金之簞滇南鏤銀之

轡江南之薑桂錫連雲委龍門之筋角旃鐵棋置利十

倍質嬌麗承弊白台紫靨揄能獻技躡袞袞之利展翹

杼杼音時之象掃轉咽經經音因拉搯徒台切袞袞尺制切靡兮

蕭蕭拂佛音兮嘽嘽歌舞收雨歸雲逢匪咎音紫窳而自

擅得禔翔於聖世侈喻音堯音腴音抵竒貨斯焚鶴頂貓睛繡

巾紫曇琨珮環瑟帶瓊溢音緇音屈音耀日之簾皜皜

浣火之衫或襲以阿錫或措以珍槭儲白本受采希青

價出藍適沉珠而毀璧竟需象而得鱗群國寶興禮闈

披遴八表逢掖名坊茶頓叙名寸楮誰與悉問施笑鄒

語羌唾楚韻爭投伐桂之登侈充尔切薰赤杏之炊百十

高希乎及第萬一威彪乎令聞紛紛青年之英慨慨白

戰之陣吐辭則終日不嘖

老子云赤子終日號而不嘖此借以喻其出言之無窮

繹理則畢生無鬻

齊丘子云或實一器至畢生無鬻此借喻其觀理之無滲漏

占竈

於周宣推命於梓杳果耳不周之聲

闕

目鬱儀之暈簪

以宮花醉以內醞健馬奕奕街遊一瞬惟煙霞填乎凡

格霜雪粘乎髭鬚多瀟

多見切

馬復濶

音闕韋

升馬復擯

音順

似造化簡於老成隆於少進厥意尋丈而莫測其分寸
焉其設官也或象以天地或配以四時盛官屬以任使
為庶事於無為都臺肅朝廷之綱紀大理平訟獄之差

池翰林根本之地通政喉舌之司光祿鎮張嘯之馘

張嘯

星名主天飲食

宗人綴天潢之支神州赤縣政法恢

鋪回切

甄

五計

切

太學庠序教沃畚菑容臺掌乎大禮兵馬輯乎細辭

鴻臚太僕尚寶太醫廊列黃門科憇中書比屋隆夸彼

嶠吾黎萬衛殊名五府相維扈從擒奸屬之錦衣欽天

之職宣髀兼膺卷天道於二掌驗人事之災禡東閣元

老天子是毘止戲於剪桐克仁於折枝詹事春坊青宮

是師惟霖霖乎早諭冀告薩

它果切

乎崇基年有長季職

有崇卑惟政舉而時羸各溫戚而存知奠錦袍之煩煩

音懸雲懸象脾之垂垂按節長安之街飲馬玉河之隄匪登

庸之瀟瀟安冠蓋之祈祈或來東海或朝西域置以會

同之館擷以烏蠻之驛觀其翠髮卷茸綠睛轉赤綺衣

並臂文面穿鼻露金齒之斷齧搖環耳之琅咋帽樺皮

而負金鑠戴阜繒而纏悒公亞切帛或慙細腰之沙或亂

熱身之澤或脫黃羊渡之險或撇白龍堆之厄苻馬鬣

童旄牛婆律暉納之裘雕化之勒枕擲之麵羊刺之蜜

食藥之鹿伎伎銜燭之犬罽罽畢獻方物孔淑不逆此
盖周公之德不能致立本之手不能格者也若乃驕民
渥夫舉肥漂斥佳辰令節歲無虛擲迎歲拜春穀核狼
籍三杯五觥孰主孰客柔遭茹而街卧剛被扶而卷格

茹扶皆指
酒而言

清明祭掃士女媵媵

音青

淡蕩雲天晴明風日

歸信未通婚期已迫彼跨金鞍此乘油壁逝將去而悵悵

直徹切

語不通而默默金珠鳥止乎園林羅練花開乎阡

陌至如鞦韆準乎良劑蹴鞠參乎上劇登高屏難於重

陽陳瓜乞巧於七夕公子王孫內家外戚執樂千指萬
錢一食者承昇平之綿遐則又豫樂而無極者也能熊
百萬列營十二六時簡閱山徒海騎苞兮喋喋流兮滴
瀟文武吉甫諸營是司繹素王之理接玄女之思演星
矜之妙劫天髓之秘故能出神入鬼陽擒陰制係單于
之頸匪折鐵之難喋溫禺之血真摧木之易養翹闕之
全鋒馮千歲而一試五方所聚人品無同或潤道而澤
德或藏衷而蘊亮或悃音白而愛恬或譙烏祿程切而

喜訟或如朱安世之虺悍或如魯仲連之豪雄守道者
自尊畏法者自蒙莫不溷乎無聲泯乎凜凜以至慶壽
大覺之寺朝天洞神之宮亦有躡文成之軌假達磨之
蹤煉必規乎大道坐不落乎頑空者傳傳而蓬蓬雖騁
說之浮誇竟莫售乎明聰直隸諸藩三載一聘各率其
屬鬻鬻娑娑音快會朝之晨衣冠顛顛音靜興臺呼曰東方
尚憊音孟天顏未覩天居遙覲丑證切一祖四宗則篤其慶
四海來格九圍交巨四句想像來朝羣臣贊嘆之詞商頌云四海來格來格祀祀殷受命

咸宜百祿是
荷與此意同

爾乃鼉鼓振絕洪鐘聲競雞人未唱禁軍

絡垺

居鄭切

龍伯遺人操戈擡擡

郎定切

蓋天之幢獵峙耀

日之爰叠映鳴鞭三振乾苔坤應鴻臚肅班御史糾萌

孟音于時尹伯與屬畢獻方政天子迺御奉天負宸而聽

紫衣傳旨寬刷微磴迺命冢宰都憲稽歲月之成下鈞

逆之令左陟而右勵前噴而後醒一麾靡覩三接弗驕

徂交求定除青平磬

音家

尤慮纖滯不宣儲沫成濤登聞

既建微闕天闔門無九重之限堦通萬里之遙倣堯舜

之庸才運元化而不勞時乎三陽郊祀天地夙戒其牲

蠶粟成隊置綉

特恐切

供豪

古老切

閱無染悴園丘方澤合

一太祖太宗作配必齋心而來成禮而退然後元尊富

媪留俞塞光而陰降大惠也

齋心以下豫期獲福如是

於是備儀從

肅吏兵黑卵戴鶡

音曷

專諸縹纓廼擊擗鼓廼扣金鈺五

校沄沄建鉞欷

音超

旌導卑畢之赫赫攢儀腥之熒熒由

基跡禽輦輶白軻車輻縱橫偪頸援撥

音伐

而後擁豹尾

負弩而前征飲飛未離乎城闕遮列已筮乎郊垆天子

迺憑載天之軾蔭覆地之盖絡結穗之翠毬垂飛龍之綬

帶周鸞鳳之鳴鈴輶日月之脩軼音大揚黃麾與玄幢紛

騷騷而靄靄列以細梢巨扇標以通帛九旒過雲之旌

空空音容掠漢之葆悠悠約裕古合切輅而齊發悉軒曳而

杼直呂切倅或駕以安南之白象或駮以渥洼之玄虬下

黃輜而收視與造物而周流儼天門洞開星辰扈駕忽

地戶悠闢海岳參輜下黃輜而下皆言存想交格帝祇如是盖未祭時敬也意營

營而股旋見雲翳於龍輶玉趾遲遲晚蒞齋宮燭以若

木祥光溢空天狼挺戈靜室彎弓壁壘系系變抗足之

渠荅太白侘侘化洞胸之臆音負山捧璧司馬元戎

明目張膽以俟晨鐘天未向旦玉漏猶滴天子已御具

服之殿輯纓簪理珮革玉珠綴旒紅羅蔽膝錦帶綵綬

朱鞮赤舄色衛神而巍巍德浮容而昔昔二句形容主祭者之氣象

至矣思締交於神明敢局畦以寧逸自色衛以下言將祭之敬逮大

祀啟扉庭燎焯焯於決切匱案陳皇邸設祭主就位百寮

陪列於是協律諸郎持麾相鼓龔榮獲之跡蹈杜夔之

武吹孤孫之管擊雷靈之鼓奏雲和空桑之瑟陳雲門

咸池之舞湄栗駕乎聲容浮青冥而上下

樂舞之聲容乘湄栗之心

以上下青冥之間蓋臨祭之敬

三獻既畢周旋傍徨餘情

音祈

蒸蒸化為

馨香

情恭也此言祭畢之敬自未祭將祭臨祭祭畢凡言敬者四而用各不同

帝示祖宗是

格是饗降福穰穰台輔匡衛隨日承光

言內外之臣同受福也

借

禋燎之餘輝燭幽昏于八荒

言福及民也

歲時享乎宗廟春

秋祭乎社稷酬鞠聖躬之恩報粒蒸民之德陳登設劔

執事翼翼磬筦錚錚萬舞奕奕文孫薦誠靡幽弗格福

祿攸降賚及蠻貊

先臣而後民而後及于蠻貊降福之次第也

山川旗纛馬

祖先農先師先帝靡祀弗崇澤被幽遐神罔時恫當郊
祀而旋也導鹿鳴之規舉慶成之宴司壺尚食物以等
辨珍饈醢醢黃封御膳蓋以脩亭東西相面天顏降禮
而下垂臣采循班而上薦酒進樂奏和樂雍雍虞業維
樅賁鼓維鏞篳篥琴瑟聲會音同毛象畢來化產合桐
九奏將成身在心融亂以控揭耳浮太空海洋洋而不
波山躍躍而弗童

二句形容作樂之功

筵之初列百戲秩秩售西

域之技獻犁耜之術致豬鐵馬吐火起颯

王勿切

吹氣則

旌旗自鬪開口則旄旆

二音

亂出悉徹弗庸以閑冥憚習

習

音忽

諸伶忻承晏娛語齷音鳩狀異形殊都護屢請而

不至舉蹙額以攢眉奉質子而見納忽顏破而心愉繼以採蓮之隊躍魚之嬉閃景態之橫生何善幻之若斯於是獻東坡之致語雜方朔之滑稽索循質艷撞綠嬰兒馴蟻解筒黠禽銜旗娛目電掣明明熙熙九爵告終惟其令儀人醉天醺夜象彪機方三能之焯焯忽蓬宿

之輝輝滿月當空元宵適屆生金熬於後宮運赤睛之

鉸鉸

枯駕切

委飛檄於馬童併三峰而悉借孰決江海而

上孰引星宿而下燭龍褪乎光輝榮惑輸乎赫煨

音擬

登州之海市籠萬形之皜皜

所化切

仙人騎乎赤鯉壯士

御乎奔駘閃山原弄影遊不盡之獐麝忽園林成象飛

無邊之鷓鴣

音夜

孰榮逡巡之草木孰造頃刻之臺榭奚

西羌之朐朐委生業於騎射何洞氓之軫軫御勅敵以

偏駕

已上皆言燈中之景幻

士女以遊觀雜人品之修肥

所化切士女亦

燈中士女
影中之影

合四海而為燈又見觀於造化

忽出此
警語

宜聖

心之洞徹付戲局于一歌

枯駕切

惟思林總之欲愉詔錦

衣而放夜則有連鐵狡童盤金媚姪度萬寧而越木通

謂疾厄之可謝

萬寧木通二橋名涼
師俗謂之走百病

慶四難之畢會宜

酌醕而殺炙惟君樂之同民合歡聲之踈踈

音

端陽之

辰百僚賜箋書面刻骨佳言喁喁

叱涉切

綵索角黍頌昇

沓市拉上卿于南墉輟萬機於一霎中官如雲珮以鞞

鞞

蘇協切

逞陳音之長技睨遙鵠而不惜屢忘歸之奏功

發嚴鼓之宏鞞日中而散恩周禮洽惟好樂而無荒庶
 天下之同攝草木隕落農務既隙靈囿無垠百獸蕃息
 規其豢牢為之營域有司烝烝焚萊平場禱蛛蝥而網
 靈祀天駟而馬力蒙莊執劔子路援戚射付紀昌御司
 三百部分既定闐闐洳洳蓋將四膳咸收六禽畢獲續
 涓濱之光益榮陽之色而使吁祛目乎兵制頑獷畏乎
 威德也驅逆願願切辰置萃載牽褐纏旃以為門裘纏
 質以為鞞魚列切天子既出木輅札札大魔擦擦音殺升龍

之肅祝祝

五禮切

象翟之鼓贊贊

才達切

九仞之扛作氣九合

之弓去紮

音札

駕以角端引以舍利

舍利亦能言之獸

獸之所同

則言其處卒長執銃司馬建旗韋鞞遠部朱鬣

莫亞切健

兒或跣

音徒

踣而科頭或鬣鬣而貫頤操爰秉戟林聚星

馳杓杓

丁激切

汙汙肅肅睭睭

音移

萬足旋迨

胡荅切

境塵不

知不傷雅牲不折季枝大庖未盈捃

音鹿

鐸下綏偉中黃

之執雕重西巴之放麋縱如黃之犬張筭籥之繒搏頰

而占

音端

磻盪鬣擊軫糖

徒郎切

度秘

音必

抗振其有鼓

曲蟻切

伏深窟扶搖太清者則命發豸戾擲鷄鳴足雖斂斂乃

頰

切委蛇染劍翼雖摯摯委曲為正

平聲

於是按三驅之義

彰一面之仁箕蹄紀功舉柴頒臣小大稽首以物易身

觀畢命於禮羅思棄物而獲人孔明深伏心染枉顧之

輪四皓高迹身縞

古犬切

卑詞之畏真情綴瑣而體乾實

德結裏而絡坤網支伯於滄州掩許由於沛濱焚互而

旋萬物同春播對酒之長謠知惠及乎蟲昆春日遲遲

稗草萋萋帝籍千畝撫撫崇基廼呼蒼龍以駕紺犂三

推卽功親執洪縻

牛轡也

車子易成收豎史媶變為耕黎

唱採蓮之曲歌大田之詩忽木德之守心見聖化之閃
屍屢視太學道脈是滋躬服衣弁降禮先師翟翟賢關
爰駐龍旂脗周壁靡之制陋魯泮宮之儀司成司業講
六籍之異同論百氏之背馳匪怒伊教樂此不疲實冲
虛而言旋見諸侯與太微夫以養由矯矢獸號於林蒲
盧縈繳神感飛禽矧綏來動和之妙得不蛻骨而孀心
於是四方殊風而同化千里異俗而同治雷興稼穡之

功電流絃誦之懿齊民安瀾秀夫不斂至道下降天不

辭耗真實上呈地不惜費甘露灑灑景星哲哲音制石有

發光之竒木有自行之異青蛇幻相而不螫烏鳥隨朝

而自致天人和同聖心未紓畏祖如天寶民如璫音書惜

財如頭目密賢如襟裾繹皇陵之碑玩日厯之詞知創

業之艱難敢津奐而提舒博莫約於莊心沉莫要於正


軀觀明德之芬蔚駕唐虞而並憐宜天眷之翼翼永熙

皞乎皇居且自古群盜多起山東此塞其衝厯代繹繹

多攝蠻戎此拉其胸長淮積貳彭城畸凶此操其饗訪
遺蹟於金元尚恃據而稱雄矧聖化如天仁為池義為
墉人人勵行比屋可封故能一視無外四方咸同先生
守乎雄辨意豈不曰聖祖氣象如神清明在躬靡幽不
燭靡室不融奚栖映而棄鋒若然文王曷不遷鎬而居
豐漢高曷不即居天地之中勞有節而景或窮故耳盖
居豐者太祖遷洛者太宗交乎夏則姑洗代乎仲呂時
乎旦則土圭易乎銅龍當持守而持守當變通而變通

所以延王業於悠久等神基於華嵩者也尚可泥于一
定而蹈子莫之踪哉抑又聞之惟高則能制下惟下則
為高制北之魏伉覆南若天南之卑延承北若地君惟
尊南是昧天經惟知地義抑非無舵之舟不當之器也
哉刊落四隅蕩蕩襄襄萬里一轍是謂大方君苟遊焉
則胸次堂堂然後以窮髮為己之故鄉吾言為己之文
章庶幾見北都之閭奧而不至於悵悵博古先生聞其
言不黨不揚以實鋪張然後茫然自失惕然若亡曰吾

儕小人於道罔識聞先生言心開意釋始知孟堅之兩
都平子之二京辭長意短語徒惛惛今承啟我以大道
之要納我以大公之域如脫鷄籬得見龍窟再拜受教
而去



明文海卷一

欽定四庫全書

集部

明文海卷三

詳校官編修臣錢棐

主事銜臣徐以坤覆勘

總校官庶吉士臣倉聖脉

校對官中書臣石鴻勳

謄錄貢生臣王永鎮

欽定四庫全書

明文海卷二

餘姚黃宗義編

賦二

國事二

北京賦

李時勉

惟皇明之受天命也我太祖皇帝首仗義師以平暴亂
豪傑景從聲振江漢削除僭竊拯民塗炭定鼎金陵撫
綏萬邦乃睠茲土實雄朔方做成周之卜洛欲並建而

未遑逮我聖上繼明重光握乾御極一遵舊章仁聲洋溢乎遐邇恩澤汪濊于八荒既致治于太平遵皇衢以省方仰先志之未遂度弘規以作京兆經營之伊始徧區夏其懽騰曰惟北都在冀之域右挾太行左據碣石背疊險兮重關面平原兮廣澤宗恒嶽其巍巍鎮巫閭而奕奕冠九州之形勝實為天府之國是以軒轅邑之以分州唐堯階之以為帝擴神化以宜民大勲德之光被鬱王氣之所鍾于今茲而有待也於是仰瞻析木俯

測地靈龜筮兆吉天人叶應神祇獻珍而山石自出河
嶽效靈而神水自行民子來兮相續期不日而功成爾
乃懸水樹臬識景表營方位既正高下既平羣力畢舉
百工並興建不拔之丕址拓萬雉之金城引天泉于西
阜環湯池而鏡清九衢百廛之通達連甍邃宇之縱橫
顧壯麗其若此非燕逸而娛情盖所以強幹而弱枝居
重以御輕展皇儀而朝諸侯遵先軌而布仁政者也若
乃四郊砥平皇道正直視萬國之環拱適居中而建極

其南則萬流宗海平林蔽天攬邯鄲鉅鹿之廣衍地平
疇沃野之綿延澹淤恒衛徑其野濡磁涑滌匯其前界
以大陸廣阿之弘壤阨以大茂井陘之連山包絡趙魏
襟帶齊魯膏腴之地綿亘三千餘里而極於黃河伊潁
之川其水陸之所產卓犖繁盛蓋莫得而計焉其北則
疊嶂崑崙層巒蔽虧長城矗乎雲表百泉湧乎山隈壯
天關而設險守一夫而莫開偉左盤而右顧宛鳳舞而
龍飛實磅礴而鬱積粵擁衛於邦畿包狼山上谷之阻

據野狐獨石之危掩祖山木葉之離立連白登紫塞之
逶迤控遼陽而極乎洮河之北鎮朔漠而逾乎瀚海之
涓總部落以千帳莫不畏威懷德相率而來歸其東則
潞河通漕控引江淮肥如灤涇灌注縈迴連峰片石之
隘首陽崆峒之佳玉田白壁神仙瑤臺超無終而越金
山跨遼瀋而逾鴨綠至於腸谷日出之涯固已遐哉邈
乎而莫不在乎綏懷環以大海衆水所歸洪濤巨浪洶
湧崔嵬蓋不知其幾千萬里而蠻商番舶帆檣隱天上

下不絕而往來又有蓬瀛方壺鳳麟聚窟十洲三島靈
異非一琉精之闕瓊華之室墉城宮堯金臺宰律紫氣
丹青景雲矚日靈囿偃佺安期羨門之倫相與游從乎
其間出入隱見而恍惚瞻帝京其伊邇庶可見其驂鸞
駕鶴之髣髴其西則崇山鬱翠高挹秦岱北接居庸南
首河內竒峰擁闕龍門阻隘玉泉垂虹青煙浮黛上截
嶸兮倚空下蟠據而際海其麓則有渾河湯湯西湖決
決蓋溝琉璃桑乾廣陽雪波泛湧灑漾汪洋一瀉千里

會流帝鄉又有上林禁苑種植畜牧連郊踰畿綠丘彌
谷澤瀦川匯若太湖瀛海渺瀰而相屬其中則有奇花
珍果嘉樹甘木禽獸魚鱉豐殖繁育颺颺籍籍不可得
而盡錄固可以因農隙而校田獵選車徒以講武事乃
遵國風稽王制詔期門將帥乘玉輅擁翠蓋出天闕
而雷轟輦芳郊而雲會非所以威戎誇武娛樂騁意盖
將取不妊而除苗害狩無擇而順殺氣謹太易之用於
三驅之時驗騶虞之仁於一發之際水衡虞人之容與

武夫壯士之奮厲皆知夫仁者之為勇而以投石超距之足鄙亦何必殄夷禽獸割鮮野食而以俛仰極樂之為貴也若夫其宮室之制則損益乎黃帝合宮之宜式遵乎太祖貽謀之良居高以臨下背陰而面陽奉天凌霄以磊砢謹身鎮極而崢嶸華蓋穹崇以造天儼特處乎中央上做象夫天體之圓下效法乎坤德之方兩觀對峙以嶽立五門高矗乎昊蒼飛閣岫以奠乎四表瓊樓嵬以立于兩旁廟社並列左右相當東崇文華重國

家之大本西翊武英嚴齋居而存誠彤庭玉砌壁檻華
廊飛簷下啄叢楹高驤闔閭闔而蕩蕩儼帝居於將將
玉戶燦華星之炯晃璇題納明月而輝煌寶珠焜耀於
天闕金龍夭矯於虹梁藻井煥發綺憲玲瓏建瓴聯絡
複道迴衝軼霄漢以上出俯日月而盪胸五色炫映金
碧晶熒浮輝揚耀霞彩雲紅其後則奉先之殿仁壽之
宮乾清坤寧眇麗穹窿掖庭椒房閨闈閭通其前則郊
建圓丘合祭天地山川壇壝恭肅明祀至於五軍庶府

之司六卿百僚之位嚴署宇之齊設比館舍而並置列
大明之東西割文武而制異至於京尹赤縣之治所王
侯貴戚之邸第辟雍成均育賢之地守羽林而掌飲飛
者至九十而有四衛莫不井列而綦布各雄壯而偉麗
其岩廊之上則有臯夔稷契之倫元凱俊乂之輩相與
賡虞廷之歌談羲農之際罄補袞之能懷忠貞之志考
禮文于大備贊聲樂之盡美是以朝無缺政德教漸暨
薄海內外均陶至治幸其有作聿來趨事成此大功忘

其勛勤人和既極休徵滋至慶雲瑞靄之覆于闕庭素
鳥玄兔之獻于丹陛醴泉屢出甘露數墜麒麟騶虞之
珍馴獅天馬之類紛紜雜遝莫能殫記于以見天眷之
益隆而聖德之純備者也於是正月上日工既訖工爰
告成于天地肆紹美于祖宗清心凝慮齋沐肅雍樂盛
既潔牲牷既豐芬郁郁以旁達靈續續其來降錫嘉貺
之穰穰介景福於帝躬將順應於昌期趾盛美於無窮
乃服袞冕御帝座開九重之深宮受萬邦之朝賀內侯

甸而要荒外殊方而異俗胥近悅而遠來紛鼓舞而匍
匐方物溢以充庭多絢燦而駭矚率蹈舞於階墀效華
封之三祝爾乃浹和會昭景鏗鯨鐘奏雅樂詔光祿
以開筵合百辟而宴樂饌珍玉兮芳馨疊瓊漿以斟酌
聯貂蟬兮夾陛雜蠻方之荒服莫不酣暢而飽德咸頌
歌而踴躍越填城而溢郭藹歡聲於寥廓斯可以婉太
古之無為慶華胥而蹈粟陸顧皇上之謙抑視至治為
未足於是降德音播嘉惠省刑罰薄賦稅汰冗濁旌廉

吏舉賢才擢俊乂發倉廩賑貧匱尊高年而禮有德慎
防禦而修武備貴爵重賞以厲廉恥厚往薄來以馭遠
裔蓋欲使人知所本士知所勵四方萬國無一民之失
所窮陬僻壤無一物之不遂舉陶於春風和煦之中而
樂於雍熙泰和之治此蓋堯舜兢業之心文王敬止之
意所以紹鴻業繼先志益宏遠而有偉故不勞而甚易
冠絕乎前古垂休于後世固可必聖子之與神孫益昌
盛而無替小臣微陋忝職文字願賦帝都之盛槩揚國

美于萬禩復為之歌曰

煌煌帝都兮逾鎬豐阻山帶河兮壯以雄天開日月兮
王氣所鍾穹窿造天兮惟帝之宮廓氛祲兮開溟濛鎮
中夏兮宣皇風王道平平兮四方來同願皇圖之鞏固
歷萬世兮無窮

皇都大一統賦

楊榮

洪惟聖天子龍飛當天下一統聲教所暨無有遠邇
咸樂清寧乃猶夙夜孜孜思所以紹承太祖高皇帝之

先志於是做成周卜洛之規詔見兩京以肇國家萬
萬世之鴻基以開天下萬萬世之太平甚盛舉也况
北京實當天地之中山川形勢之壯帝王基業之盛
莫逾於此由是車駕累經巡幸宸謨睿算上合天心
昭孚祖考百神協順川嶽效靈故自經始以來嘉祥
駢集靈貺昭荅而中外臣庶百工衆伎之流罔不懽
忻子來樂於趨事而皇上擴天地之量戒之以勿亟
撫之以厚恩賚錫駢蕃慰諭備至不數年間厥工告

成以今年春正月朔旦皇上御奉天殿朝百官凡內
外文武羣臣與夫四方遠藩之長來覲於庭者莫不
懽忻踴躍以為氣象宏偉規模壯麗卓冠千古真足
以臨四方朝萬國實為聖壽萬萬年鴻福之徵宗社
萬萬年磐石之固聖子神孫帝王萬萬世隆長之慶
也猗歟盛哉臣備員侍從覩茲盛美敢不鋪張其事
以昭示於無窮焉乃為賦一篇述其大槩謹拜手稽
首以獻其詞曰

維皇明之有天下也於赫太祖受命而興龍飛淮甸
風雲依乘恢拓四方弗遑經營既渡江左乃都金
陵金陵之都王氣所鍾石城虎踞之險鍾山龍盤之
雄偉長江之天塹勢百折而流東炯後湖之環繞
湛寶鏡之涵空壯江南之佳麗滙萬國之朝宗此
其大畧也迨於聖皇嗣大一統剛健日新聰明天
縱囿四海以為家登羣賢而致用思繼志之所先
惟都邑之為重於是天意覽觀人心和同神靈效順

龜筮協從既應天以順人爰辨方而正位視往聖而
獨超繼高皇之先志乃相乃度載經載營眷茲北京
山川炳靈其為形勢也西接太行東臨碣石鉅野亘
其南居庸控其北勢拔地以崢嶸氣摩空而崩劣復
有玉泉漫流宛若垂虹金河澄波雪練涵空膏渟黛
蓄浩渺冲融包絡經緯混混無窮貫天河而為一與
瀛海其相通爾其派連析津源分潞水既環抱以榮
迴亦彌茫而清泚來職貢於四方通檣帆於萬里至

若王畿之內輦轂之間沃野彌望原陸寬閑烟火相接
雞犬相聞宵無警柝外戶不闕以牧則蕃以種則獲以
田以漁以耕以鑿隨其所營比得其樂而其為都也四
方道理之適均萬國朝覲之所同梯航玉帛為都邑之
會陰陽風雨當天地之中爰勅臣庶爰伐材木南浮湖
湘西入巴蜀斧披虹霓聲撼山谷徂徠之儲新甫之蓄
梗楠杞梓杉楛檜楠梢橫青天根連地軸鉅細畢輸長
短悉錄駕雲車之百輛振龍驤之萬斛紛紜輻輳彌布

川陸厥材之良不一而足若乃美石比玉從古所稱瑩者如圭潔者如瓊溫者若璐潤者若瑛以磨以礮乃堅乃貞鏗林振壑馳颺驚霆千夫所攻萬里啓行山靈助其光華坤后發其精英宣砥砭之敢混寶寶玉之爭呈若夫坎離播功坤艮合德出於陶冶成于埏埴飛紫燄于半空結祥烟于八極或規以圓或矩以方聚琉璃之一色耀文采于中央或肖形於獸吻或擬質于鴛鴦於是良時載啓吉日既卜臣庶駿奔滃若雲矗源源其來

登登其築百堵皆興萬夫相屬行若魚貫立若鱗蹙斧
斤揮霍尺度攢簇由是賁育効力公輸獻竒曰爰曰斯
伯與暨倬攄厥巧思運厥神機各效其能以見于為顧
小善之並錄矧妙伎之或遺羣材礮磊以山積鉅棟騰
躍而翬飛爾乃九門洞開三殿攸建觚稜雲聳丹漆霞
絢輦路逶迤閣道回轉華蓋屹立于中央奉天端拱乎
南面其北則有坤寧之域乾清之宮璇題耀日寶柱凌
空金鋪璀璨綺疏玲瓏珠玉炫爛錦綉丰茸葳蕤起鳳

天矯盤龍千門瑞靄萬戶春融其南則有午門端門左掖右掖丹闕峙而上聳黃道正而下直豁大明之高張屹正陽之拱挹繚周廬之穹崇蔽重甍之護翼其左則有宗廟之祀以奉祖考仰在天之神靈隆萬古之尊號謹歲時之烝嘗薦純誠於蘋藻其右則有社稷之靈以崇祀享汎壇壝之肅清通神祇於盼蠻爰春祈而秋報用昭荅于靈貺若夫乾清之前門列先後日精月華之對峙景運隆宗之並構謹身翼乎其前仁壽屹乎其右

又有奉先之祠大善之殿文樓武樓之特聳左順右順
之並建若乃震位毓德文華穹窿亦有武英實為齋宮
有天財寶藏以貯珍貨有大烹光祿以典殮饗寶善在
左以翼翼思善居右而崇崇若夫欽安之後珠宮貝闕
藻綉交耀雕櫳截竊六宮備陳七所在列親蠶有館繅
絲有室二南詠歌播于篇什輔德相成風化洋溢皇城
之外殿宇魁渠有翼有嚴太孫之居金水之濱瑤階玉
除梁棟巍巍上凌太虛為諸王宮胡衛皇圖星羅棋列

以臨九衢至若文淵之閣祕書之府纂述乎今儲蓄乎
古汗牛充棟莫知其數牙籤迤邐緗帙旁午粲奎壁之
上連赫虹霓之夜吐若夫飛閣峩峩實為承天綉楹霧
簇畫棋星聯踞石猊之盤礴竦華表之巋然至若南郊
之設特超古制圜丘方丘不歧以二合祀于中父天母
地壇分內外二十有四羣祀有典百神有位惟我太祖
寔配上帝乃歲孟春三陽之始吉日斯蠲祀事有備薦
以粢盛泛以醴齊豆暹秩秩庭燎胛胛鼓鐘戒嚴鑿與

至止儼對越以升中祝蕃禧之攸萃至若山川有壇先
農有祀馬祖旗壽各以時祭寅畏恪恭罔有弗至若夫
稽古建官為民之牧內外相承各率其屬至若黃門給
事青瑣仙班典內廷之封駁近咫尺之天顏復有文翰
之林詞藝之苑處嚴密之清禁列英華之妙選優游玉
堂之署出入金鑾之殿擅瀛洲之美譽承黼辰之清問
至若鳳池之職尚寶之司掌絲綸于紫誥典符璽于彤
闈有宗人以統天潢之派有銀臺以通喉舌之機若乃

六卿分職位躋台鼎贊廟堂之謀謨總藩方之政令至
若憲臺之任風紀是司廼耳目之所寄實法度之攸施
若夫都府有五軍政是宣奮貔貅之將士耀霜雪之戈
鉞保輿圖于安堵掃絕漠之烽烟至若都邑有庠辟雍
有學育才于茲以儲以擢若夫容臺典祀士師明刑錦
衣總夫儀衛巡警係於五城鴻臚謹朝謁之禮太僕司
監收之名京畿布列於州郡田野參錯於屯營至若奉
神有祠報功有廟梵宇琳宮光輝朗耀倉廩之積如坻

如京露積紅腐陳陳相因鎧甲晶熒士卒精銳靡強弗
摧靡堅弗碎驂駟騏驎駟寔驕驕宛其之駿渥洼之良
充乎內廐磊落騰驤又有福山後峙秀出雲烟實為主
星聖壽萬年層嶂疊擁奇峰相連鼓鐘有樓其高接天
勢若貫珠萬里綿延若乃朝市既成井邑斯列閭閻輻
湊闐闐有截豁九達之通衢羅萬室之如櫛富商巨賈
肩摩袂接北通朔漠南極閩越西跨流沙東涉溟渤來
百貨之縱橫雜輪蹄之填咽珠機爛其輝燿羅綺煜其

騰香至若青樓並峙綺榭相連妖姬窈窕艷女嬋娟穠
妝競倚粉黛爭妍引歌喉之宛轉迴舞袖之踟躕極酣
嬉于暇日窮勝賞於芳年至若太液之池萬歲之山澄
波澗澗層岫巒岿開闔蔽虧縈帶迴環竦飛樓於曖曖
敞貝闕於岩端門臨碧蘚之磴橋梁玉虹之灣晴光出
乎軒檻飛翠洒乎闌干瞻廣寒之月殿撫桂樹之團團
爾其瑤草龍葱琪樹累歷長松之蟠古栢之直脩篁烟
挺老檜雲積瑰偉之姿竒異之植翁然其陰媽然其色

宛蓬瀛之在茲恍塵凡之遂隔至若上林衍沃靈囿逶
迤瀦以碧海湛以深池百草綠縟群卉芳菲寬閑薄乎
禁籞平廣屬乎坤維樂鱗介之游泳縱毛羽之離褫乃
有騶虞效祥麒麟表瑞白質黑章麋身牛尾神鹿貢於
遐方白象出于南裔倏玄兔之繼呈忽天馬之沓至復
有馬哈福祿厥獸殊形駝鷄之異白鳥之禎竒姿詭態
率舞縱橫隸首莫紀伯益難名至若地祇協順天心昭
格嘉祥叠臻靈貺蕃錫神木不運而自行祥氛煥發於

巨石忽靈蛇之前導現大青於沙磧瑞光煜乎半空卿
雲爛兮五色醴泉湧兮瓊漿甘露滑兮玉液靈芝產于
碧山景星見於南極禿干兔以難窮殫百喙而莫悉然
而歷觀前代迄于往古帝王所都難可畢舉豈鎬之美
崑函之固宛洛之奇汾晉之富雖或雄據於一時控馭
于中土而於今茲帝都之壯麗又豈可以同年而語哉
廼歲庚子告成厥功辛丑正旦方春和融聖皇御朝萬
方會同百辟卿士肅肅雍雍光天之下罔不率從戴白

之叟垂髫之童且欣且忭拜舞呼嵩仰祝聖壽萬福來
崇慶此皇都佳氣鬱葱擴基圖於萬世偉壯觀于九重
真帝王悠久之業據山河表裏之雄然而聖天子以六
合為家以四溟為池以仁義為干櫓以禮樂為藩維不
恃險以為固惟在德之所施至和塞乎穹壤息澤洽乎
荒陲致九有以寧謐躋萬國于雍熙此其所以德侔乎
堯舜道合乎軒義寧天地亘古今而莫能與齊也臣職
禁垣叨蒙眷顧謏陋是慙消埃莫補覩皇都之鉅麗壯

宏規於往古潔泓穎於長辰陳盛事以為賦又從而為
之歌歌曰翼翼皇都萬方之會兮聖德之宏實同覆載
兮聲教所暨一統無外兮又歌曰皇都翼翼民之所止
兮惟皇萬壽福祿無已兮聖子神孫寶祚萬世兮

皇都大一統賦

金幼孜

洪惟天朝太祖高皇帝誕膺景命龍飛淮甸既渡大江
遂都金陵撫有區夏肇造洪眷以開萬世太平之業逮
我皇上繼承大統克紹丕圖仁恩誕敷聲教洋溢雨暘

應期民物阜蕃薄海內外罔不率從而自蒞阼以來宵
肝拳拳惟思所以繼志述事以承太祖高皇帝之意於
是做古制肇建兩京以為北京寔當天下之中陰陽所
和寒暑弗爽四方貢賦道里適均且沃壤千里水有九
河滄溟之雄山有太行居庸之固玉泉之流經緯乎禁
籞之中碣石之壯盤踞乎畿甸之內故其山川之壯觀
風氣之清淑真有以卓冠四方為萬國之都曾誠帝王
子孫萬萬世太平悠久之基由是勅冬官洎内外文武

百執事經營于茲而凡民庶士卒工匠之流莫不駿奔
子來趨事赴工固敢或後遂至天意人心感孚和同靈
應叠臻嘉祥屢薦不數年間厥功告成而宮闕府庫之
宏壯郊廟社稷之嚴肅朝市民物之鉅麗秩乎其有序
井乎其具列蓋自古先帝王都邑之盛未有逾於此者
乃永樂辛丑春正月朔旦皇上御奉天殿大朝海內文
武羣臣四方藩服率皆在庭踴躍鼓舞以為皇都
之奇麗若此誠曠古所未見而未有者而所以為皇上

萬壽之徵宗社盤石之固聖子神孫寶祚綿延之慶皆
兆于此矣何其盛哉臣叨居禁苑職業文詞幸際昌期
躬覩盛美謹鋪張為賦以彰太平之偉烈且以昭示於
無窮其詞曰

維太祖之受命膺上天之禎符奮布衣於淮右提一劍
而長驅乃翦夷于群醜悉蕩滌于寰區既渡大江金陵
是都虎踞龍蟠興王之居爰啓鴻業肇開皇圖振光華
于曠古恢萬世之弘模繫我聖皇祇膺寶歷奉天勤民

太祖是式恩覃九圍仁周八極雨暘應期民物豐植親
四方之清寧乃有念于京邑維此北京太祖所屬天造
地設靈鍾秀毓總會于陰陽盡灌輸于海陸南臨鉅
野東瞰滄溟西有太行之巖崑北有居庸之崢嶸馮玉
泉之逶迤貫金河而廻縈瓊島上聳以盤礴太液下澈
而澄泓將繼志而述事必於此而經營乃勅羣工乃命
百職萬方子來効勤殫力萃四海之良材伐南山之鉅
石感恩意之昭孚戒經營而弗亟于是天心協順靈應

彌彰布輪囷之卿雲發璀璨之祥光醴泉湧其浩浩甘露下其灩灩赫萬靈之呵護藹瑞氣於穹蒼乃卜良辰乃蠲吉日以相以度以構宮室棟宇崇崇簷楹秩秩以蓋以覆陶冶埏埴以繪以塗黝堊丹漆煥五彩之輝煌壯九重之嚴密天地洞開馳道相連金鋪絢日玉柱凌烟星羅碁列璧瓌珠聯虹飛霞擁龍翔鳳騫超凌氛埃壯觀宇宙規模恢廓次第畢就奉天屹乎其前謹身儼乎其後惟華蓋之在中竦摩空之偉構文華翼其在左

武英峙其在右乾清並耀于坤寧大善齊輝于仁壽豁
千門之雲矗敞萬戶之幅湊至若丹闕巍巍飛觀凌空
觚稜上聳閣道遙通左祖右社蔚乎穹窿有壇有壝有
寢有宮亦有天地以嚴其崇復有石渠天祿以蓄圖書
玲瓏綺錢照耀文疏懸牙籤之萬軸列緗帙之紛如宛
奎畫之宵映粲藜燈之夜噓瀛洲文學之士閬苑列仙
之儒備顧問于朝夕咸欽仰于聖謨又若大庖光祿列
乎西東珍饈駢羅玉食惟豐禁城之下金水溶溶畫棟

凌雲繡柱含風璇題耀日綵橋架虹雕甍隱膜寶殿玲瓏太孫所居諸王之宮金枝玉葉照耀層空育德講學宴適游從若夫御苑逶迤上林深窈有山有泉為臺為沼巖谷谿谷雲霞縈遠走有奇獸飛有靈鳥樂寬閑以棲息恣回翔以馴擾復有天閑十二駿骨軒昂渥洼神龍之種大宛名駒之良並權奇而雄傑或磊落而騰驤又若廩庾輪囷惟萬惟億豐歲所儲累世之積玉粒金稗露積充溢國用所資入足家給復有武庫巍峩戈矛

森列旗幟搖雲鎧甲耀雪凜凜白旌差差黃鉞四征不
庭以彰九伐奮軍聲之揚揚振皇威之赫赫又若內帑
充物寶藏紆餘奇珍異產海匯河輸夜光之璧明月之
珠琉璃翡翠瑪瑙珊瑚瓊瑤琥珀火齊璠璣錦綉逆運
羅綺芬敷又若百司庶府有綱有目文武頡頏為國鈞
軸太學羣庠之並建琳宮梵宇之森矗列九衢之坦坦
引六街而相續閭閻櫛比闔闕雲簇鱗鱗其瓦盤盤其
屋馬馳聯轡車行擊轂紛紜並驅雜遝相逐富商巨賈

道路相屬百貨填委丘積山蓄又若歌樓舞榭艷態穠
粧羅袖回雪清聲繞梁管絃嘔啞狎坐傳觴娛青陽之
麗景駐白日之飛光維大小之不遺仰制度之畢修斯
皆聖智之籌謀實出宸衷之經緯儼氣象之一新壯規
模于萬世屹鴻基之豐隆偉河山之巨麗貽子孫以嘉
猷紹先皇之初志邁豐鎬之舊規軼漢唐之遺制于是
厥功告成慶叶天人乃歲辛丑為孟之春王正之月朔
旦良辰聖皇臨御大朝羣臣内外文武濟濟彬彬遠及

蠻貊工商士民稽首高呼抃舞歡忻筐篚其列方物畢
陳以饗以饋洽此皇仁大一統而無外萬至和于八垓
臣忝詞垣叨職文字懷寵眷之彌深愧涓埃之無補際
千載之良逢幸微生之快覩傳盛事于將來奚往牒之
足數祝聖壽于萬年播皇猷于千古

明文海卷二

欽定四庫全書

明文海卷三

餘姚黃宗羲編

賦三

國事三

至日早朝賦

劉球

維宣德紀元之五載逮玄冥司令之中旬羲和回馭於
北陸招搖指子於初昏玉琯之灰乃動黃鍾之候維新
開萬物之大始轉一氣於鴻鈞幸會昇平之運於今日

宜致履長之慶於紫宸馬故時則靈臺是定禮則鴻臚
斯宰儀物則內外畢備執事則大小恪戒莫不齋沐宵
興敬恭以待是日也及東方之未曙仰明星之猶光車
塵紛紛以起途燈燭燦兮交張聽玉漏之滴瀝望庭燎
之輝煌九門闢兮既廓三鼓發而有鐘填兩掖以競進
鳴雙珮兮鏗鏘陸衛羅以萬隊鹵簿設其兩傍合之則
為偶離之則成行牙旗羽蓋龍文鳳章玉節金鑿戛矛
戈揚衆不能名美不能方少馬日曛曛兮東躋雲縹緲

兮下幕浮佳氣於簾櫳燦祥光於金碧飛鳥隼兮垂翔
凝冰霜兮融液爐烟起而香風飄廷鞭響而群器寂闔
象端厥容止仗馬不敢喘息然後啓瑤局來警蹕鴻鐘
鈎鑿輿出高明袞衣之日月遠覩天位之飛龍黼辰後
設而斷必自乎睿思冕旒前垂而明不掩於重瞳無動
聲色篤恭其容儼然帝舜之正位乎南面何異周武之
垂拱乎九重其臣則王公侯伯貂蟬眩憤玉帶懸牙朱
衣襲裼卿大夫士降至百職濟濟跼跼莫不盛飾冠以

品分班以次設東文西武駕排鵠植旁及通象胥之遠
藩言侏儻之羣猶詩書所未道其名唐漢所不賓之國
皆奉玉帛而遠來亦幸觀光乎其側於是絳幘雞人長
鳴東廡伶官發音金石祝敎琴瑟簫管交宣迭鼓聲洋
洋乎盈耳節鏗鏗乎有序禮官唱讚登降拜俯進退啓
跪或躍或舞咸中乎儀罔愆於素諸方匭進之辭既退
萬口嵩呼之聲齊舉喜動乎天顏聲震乎寰宇迨乎大
禮既成祥慶荐臻荷天子之有命賜衆臣休暇於浹辰

宴幣既頒恩禮復勤凡有生之衆庶莫不願戴于一人
且夫冬之為節自古所尚豈但魯史備雲物之書周官
重圜丘之享蓋其在易卦則為復而復之為義取乎陰
消而陽長陽長則君子道泰之漸陰消則小人道否之
象上必體此而思君子之道當崇下必體此而思小人
之道不足仗上下同情是則是懲務使邪枉不得勝乎
正直讒慝不得妨乎賢能則天下可約之仁義之域功
德可齊乎唐虞之稱皇圖於焉而鞏固福物自是而駢

增

朝鐘賦

有序

劉伯燮

隆慶戊辰夏四月大司空以弘治時朝鐘請易新朝
鐘上為輟朝五日懸之日鳴而聞者快焉嘻孰謂古
鐘獲遇今時哉作朝鐘賦

於赫肅皇撤舊址以輝新殿兮既魏且揭銷黃金以治
洪鐘兮爰秘不發猗至尊勤臨御兮日每出而先鳴效
用方得所兮何聲哀哀如不平凜先皇英武神斷兮孰

敢雜鉛銅以飾巧久逸忽勞兮豈耽靜而厭炒乃召司
空兮汝往詰之司空拜手稽首對揚兮昔敬皇之有遺
首如巉崖寒潭螭伏卧兮蟠屈不移身如萬斛之車輪
兮洵博大而孤危色如蒼梧老柏漫離披兮過者委填
而弗睨朝餐霜露夕映星月兮莫悉其所更歷帝避便
殿兮虛朝以俟者五日萬牛回首重丘山兮関得神器
拔自草莽置之岩廊兮物理變化于斯畢百年擯斥一
旦遭逢兮迺遂以舊而見新離踈而居密既登廼祭既

祭廼鼓兮中外嘻嘻初若困龍之見舒兮猶未脫乎沙
泥載考載擊兮聲嘈呿而陸離大叩之大鳴兮遭駭愕
而驚疑當其亮以肅也如明良賡曲如霓裳羽衣奏于
海屋有時激以蹙也怨而不怒如此干之甘心剖腹如
賈誼當漢庭善為流涕而痛哭及其亮以肅者激以蹙
者欲盡而再蓄也如間絲竹如傳空谷又如百轉流鶯
裊裊下于喬木響徹御溝魚龍出也聲聞于天過鳥失
也是謂不鳴一鳴驚人是謂不鳴一鳴動君亂曰譬彼

新鐘少年子兮譬彼古鐘老成士兮慨浮薄之中徙兮
而遲鈍終獲理兮凡我同朝有毗倚兮

大祀山陵賦

魏學禮

萬厯庚辰歲皇帝將有事於山陵宗伯以故事請曰展
陵視寢永昭孝思惟帝嗣統則斯禮稱焉主上光紹鴻
極八載于茲矣爰脩縟典仰答神靈帝其念哉帝曰俞
是惟朕衷厥俟典禮卜日考儀則秩宗其視厥載往欽
哉乃以季春十有二日聖駕夙蹕兩宮聖母暨中宮皇

后及諸嬪妃咸興以從再越日肇稱祀典長永昭獻景裕泰康九陵及章皇后景皇帝陵厥明上奉兩慈宮以旋后妃從詰朝而還宮禮也臣伏覩曠儀思揚洪美惟昔何承天有上陵篇未足以極其制乃造斯賦以仰頌萬一云爾其辭曰

皇明開天垂禩萬葉誕此神聖茂隆昌業紹九帝以駿弘邁三代而光煜逮垂衣之八載將展視乎山陵思神靈之在天超埃壘而崇登峻皇隴之巍峙寔玉體之是憑

張儀刑之莫覲抒遐思而靡勝于是命秩宗稽懿典訊
太卜戒雲輦建行宮以待蒞兮運嘉木以經營覆善土
以清路兮望馳道之允平肅九門之環衛兮屬元侯與
上卿拱淵穆之宸居兮夾萬雉之朱城乃吉日之既屆
兮鑿輿夙以啓行闢長安之左扉兮歷輔權與璣衡炳
瑤暉於泰階兮睹斗緯之清明蔚戈鋌之先導兮抗霞
采之幢旌錯五色以成章兮卷蜚颺而縱橫玉輅耀以
融麗兮儼曲蓋之蔥蒨識鹵簿之威儀兮陽羲升而霧

散兩宮皇母暨厥后妃東華東安宛見翟輦彼羣嫗之
捧乘兮粲綵裾之菲菲紛翼侍之服御兮載晻靄而交
輝從官前行居守趨送駕次鞏華翩躚翠鳳既侍膳于
慈闈朝昌平之羣衆詔奉車使馭蹕兮屯六師之如雲
虎旅集其警嚴兮刁斗遠其相聞厥明至于天壽兮翠
華弭于感思惟詰旦以祭兮詣長陵以停綏御青袍以
對越兮燎芳芬以焮吹列鼎俎與簋豆兮獻桂酒以陳
辭思雄武之御世兮顯神謨之飛宕控九宇以張弛兮

齊弘功于肇創都燕甸以撫夏兮掃沙漠之羸帳振長
奠以詒胤兮鬯神明以開亮惟聖智之建始兮繫繁祉
之錫貺祭竟徹牲百官既出更設酒脯內祀靜謐兩宮
中宮拜起齋栗聿愛敬以咸盡昭內外之若一惟永昭
之二陵實肅莊之玄殿爰自仁而率親亦如儀而躬薦
獻景裕茂以及泰康章后景帝奕葉重光八陵迢遞親
裡不遑乃遣官以代祀僉縟文之是詳觀聖制之有奕
兮循弘鬯之彝章肆經緯于天地兮亦符協乎陰陽式

遙發以還闕兮朝百辟于明堂行宗祊于萬載兮享血
食以孔長纘祖德以恒思兮流祚慶于無疆荷天命之
彌篤兮永丕式于四方

大禮慶成賦

陳沂

維年春仲始禮南郊大慶鴻祥以慰神勞猗與盛哉臣
請大禮告成以揚今日之盛乎惟我高皇滌土宇別人
類叙倫彝奠儀位萃四海之渙興嗣歲之祺奉父母以
帝祇合丘澤于陰陽並尊親于壇屋兼義起于郊堂文

皇駐燕載新厥章裡望列墳羣神徧將五聖紹緒世篤

其慶綏昊天之感命式單厚于吾皇迺今十有四載運

符皞熙郊卜孟春先神致詞干羽未格再諏仲時制歲孟春

乃諏正月十二日禮部告于城隍乘輿未至改仲春二月十三日再告城隍戒犧牛以成牲

盡充潔于牲期制冬十二月朔上親往視牲于犧牲所大臣繼日代行周澤壤之嘉

茁具享荐之畢采乃命金人諭戒執法臨察制銅人高尺五寸執

牙簡于大祀書致齋三日于簡上太常先日事聞乃進金人傳制誓戒百官致齋于公署御史分行齋所致祭

庶正肅一萬理畢達厥明則勾陳縈纏羽林布除雲官

扈蹕雨師清馳羲和司御勾芒奉纚左張翠虬右建白
菟後衛玄旒前揚赤旛五緯連蓋四氣分輿扇節應候
而成列幢麾環宿而布道馴象服御于金輅毛馬駢綴
于玄纛砮轟雜沓而金革嚴警陸離璀璨而繪繡先導
于是用太卜協靈辰望閭闔叩天闕組旒應圖冕璪體
穹夙明裡以至止率駿奔于肅雍璋左右以奉圭雲上
下而從龍是時天地合尊二后配命日月星辰統天之
正海瀆鎮嶽統地之令鼓以風雷潤以雲雨歲祗受時

山川列土各系尊卑享獻有所

殿中位帝祇東配以太祖太宗壇日月星辰凡

四于殿陛下壇五岳五鎮四海四瀆風雲雷雨太歲帝王神祇蓋凡二十于四方

特犢于俎太羹

于登席地菹稻惟二聖同籩則菱芡芡實榛栗形鹽魚

藁薺脩糗餌粉粢

籩二十

豆則荀韭菁芹魚兔鹿醢脾析

豚胎飽糝惟齊

豆十二脾析以牛百葉切細熟之和鹽酒豚胎以豚肩上月為之飽食炊粘黍

和羊脂蜜釀成糝食以牛羊豕肉與飯成之

秬秠糜芑惟馨在德琮璧蒼黃

玉帛同色餘牲雜間瓠羝和羹品式盈縮帛惟用情

日月

牲同籩豆簋簠各殺以二不用璧帛象赤白星辰牲間以羊豕羹用和帛用白岳鎮海瀆牲如之帛用方色餘

祀牲有殺帛皆白

樂則鼗鼓柷敔簫管琴瑟埙簾笙磬業虛夙

設登歌搏擊九和奏格

樂有中和肅和寧和壽和豫和凝和雍和安和時和九章干

戚籥翟佾各以八萬舞兩階播應鳴夏禮則燔柴登獻

飲受歌徹送望燎瘞式禮孔竭於時帝祇同將享之休

高文錫伊嘏之德照臨普於赫之明鼓潤殫資生之力

海嶽效高深之靈百神奉祇若之職公卿庶尹則侍從

允諧旃裘推髻則羅拜攸懌乃令返汾陰之旗列長揚

之騎舍承祀之興攬于苗之轡精一之心已畢馳騁之

力方至徹神餘以均惠頒庖禽以周賜

十三日祀畢即田于海子

莫

非擴逮下之仁享告成之利也仰承功德軒臨奉天

十四

日夜還御慶成殿

奏教坊之部曲陳慶享之鴻篇交神人于有

終臻美懿于無前臣聞昔有虞皇類于上帝周祀居歆

庶無罪戾五疇瀆靈玄元涵神皇堂肆赦亂禮彌恩雖

擬隆以自聖實不享於蒼旻皇明盛德割正僭謬三五

式序陟降高厚懼茲殷荐明旦罔佑肇思文于淳聖康

文武於二后歲無卜禰之愆時無田燭之暮不褻用犢

之三
卷三
之誠不弛立澤之受不忘庫廟之戒不罔聽報之候今
罔畏其威不慙其親嗣歲千禩庶幾其有聞

禱雪南郊賦

皇甫湜


歲屠維赤奮若兮朔易正乎玄英歷固閉于暢月兮練
望幾之翌辰皇帝有事于南郊禱也何禱爾緊鱗運之
迅僚兮氣懾懾而歲徒詫陰伏之莫競兮恒賜若而淹
期金方傷而木沴兮亟春令於僭差薄冰履而易治兮
杲日出其尚熙虞介蟲之為孽兮終旱瘵而厲滋豈嘉

承之弗嗣兮胡元元之逢此罹也先是天子祇祓宗伯
崇禋野廬清街司烜絳旻壇邸閱掌次之則旌門詰羽
林之兵是旦也習霍蒙合爛燦星陳望舒先扶飛廉後
奔張急繕以按招搖之隊振殷鞞而走夔魑之神天子
乃離齋宮辭靜室侑方祇款太一馳道既警乘輿乃出
雲引縣裳颺分列戟駟文螭之袵纒兮六素虬之絡繹
翳端路之翠華兮旅中庭以蒼壁樹羽宗牙執紱秉翟
鼉鼓金鏞雞千玉戚雖九奏之樂未宣而萬舞之侑咸

集少焉清塵起而烟燭於屬車紫薰颺而苾芬乎越席
紛總總其將班兮班我我之入覲惟弭殫其在宵兮衣
綵繚其欽敬玉佩銷而陸離兮金鋪鬱其晻映天子于
是乎奏芝檢而遵壇屏華蓋之承宸俄改步于靈陛兮
緬稽首乎帝闕肆普淖之充簋兮縮嘉粟之盈樽既而
皇命祝史為我敷詞愬睿圖於憑翼兮庶明徵其鑒之
忱陟降之弗爽兮豈頌搖而述斯禱曰同雲為我興連
氛為我積噫不周其惠來隱扶桑其暫暍闢西域啓東

國剪瓊藥之六靈染瑤壇之一色燔紫焰而霰燼兮醴
酒凝而冰漉拂旋途兮絮為旂擁回鑿兮玉為軾藹藹
浮浮漉漉奕奕普潤中田偃液上陌曼白青之袞丈兮
兆農年于盈尺率土播謠乎兩岐兮踰沙受獻于三脊
斯萬姓合其懽心而百神歆其明德者也有若酣璇臺
舞瑤室端皮弁曳豹舄將獵之鉏山驚于萍澤則非所
以掩身安形而亦亡裨於昭格焉矣廼有新進小臣叨
扈從觀盛節第嘉頌揚休烈辭曰禋粥粥其帝軫維兮

維匪卹胤恫吾黎兮帝赫延竚神宴娛兮登我百穀戎
叔為兮課功咸五三與偕兮菟園者誰負薪咨兮工賡
黃竹帝考祺兮



明文海卷三